

## მინიმალური ანგარიშით

კიევი. ცენტრალური სტადიონი. 23 მაისი.

“დინამო” (კიევი) – “დინამო” (თბილისი) 1:0 (1:0).

კიევი: პროხოროვი, ბერეჟნოი, კუზნეცოვი, ზუევი (ბოიკო), რეშკო, კოჩუბინსკი, კოვალოვი, დამინი, ბესონოვი (ლოზინსკი), ხაჰსალიძე, მარჩენკო.

თბილისი: გოგია, ებრალიძე (ხიზანიშვილი), ჭელიძე, ხინჩაგაშვილი, მუჯირი, ჩივაძე, მ. მაჩაიძე, ქორიძე, ჩელევაძე, გ. მაჩაიძე, წერეთლი (ესებუა).

მსაჯი: ვ. კოვანოვი (ბაქო).

დუბლიორები – 1:2.

მატჩი, რომელშიც ორივე გუნდს აკლდა უძლიერესი მოთამაშეები, მიმდინარეობდა საინტერესოდ, როგორც მასპინძლების, ისე სტუმრების აქტივობით, დასაწყისში ტერიტორიული უპირატესობა კიეველებს ჰქონდათ, შემდეგ კი ინიციატივა მთლიანად თბილისელებმა იგდეს ხელთ, რომლებმაც რამდენიმე სახიფათო მომენტი ვერ გამოიყენეს მოპირდაპირე კართან.

შეხვედრის ბედი გადაწყვიტა ერთადერთმა გოლმა, რომელიც მარჩენკომ გაიტანა თავით თბილისელთა კარში მე-20 წუთზე.

“ლელო”, 25 მაისი, 1976 წ.